



Broj: 07-06-25-8993/16

Sarajevo, 01.09.2016. godine.

Ministarstvo privrede Kantona Sarajevo rješavajući po zahtjevu investitora "ALSU" d.o.o Visoko u postupku izdavanja prethodne vodne saglasnosti za snabdijevanje vodom i ispuštanje sanitarno-fekalnih voda iz gospodarskog objekta-peradarnika za uzgoj pilića, kapaciteta 40.000 pilića u jednom turnusu, koji se planira graditi u naselju Crna Rijeka, Nišići, Općina Ilijaš na osnovu člana 111. stav 2. a u vezi sa članom 139. stav 2. tačka 1. i 2. Zakona o vodama ("Službene novine Federacije BiH", broj: 70/06), te člana 4. stav 2. tačka 1. i tačka 10. Pravilnika o sadržaju, obliku, uvjetima, načinu izdavanja i čuvanja vodnih akata ("Službene novine Federacije BiH", broj: 6/08) i člana 200. stav 1. Zakona o upravnom postupku ("Službene novine Federacije BiH", broj: 2/98 i 48/99), d o n o s i:

R J E Š E N J E

1. Daje se **prethodna vodna saglasnost** investitoru "ALSU" d.o.o Visoko, za snabdijevanje vodom i ispuštanje sanitarno-fekalnih voda iz gospodarskog objekta-peradarnika za uzgoj pilića, kapaciteta 40.000 pilića u jednom turnusu, koji se planira graditi u naselju Crna Rijeka, Nišići Općina Ilijaš, na zemljištu označenom kao k.č. br. broj: 705/2 K.O. Hadžići, po starom premjeru.
2. Prethodna vodna saglasnost daje se na osnovu dostavljene tehničke i druge dokumentacije od strane investitora i pod sljedećim uslovima:
 - 2.1. Da se izrada ovog dijela investiciono-tehničke dokumentacije povjeri pravnom licu koje posjeduje Ovlaštenje za izradu dokumentacije na osnovu koje se izdaju vodni akti, prema odredbama Pravilnika o sadržaju, obliku, uslovima, načinu izdavanja i čuvanja vodnih akata ("Službene novine Federacije BiH", broj: 31/15).
 - 2.2. Da se investiciono-tehničkom dokumentacijom daju sljedeća tehnička rješenja:
 - da se snabdijevanje objekta peradarnika vodom vrši izgradnjom sopstvenog rezervoara za sanitarnu, tehničku vodu koja je potrebna za funkcionisanje peradarnika, a dopremanje higijenski ispravne vode u rezervoar vršiti putem ovlaštenog pravnog lica koje posjeduje vodnu dozvolu za vodovodni sistem i izvorište koje koristi;
 - da se za potrebe protivpožarne zaštite izgradi poseban rezervoar u kojem će biti obezbijedena potrebna količina vode za unutrašnju i vanjsku hidrantsku mrežu;
 - da se obezbijedi propisani radni pritisak u sanitarnoj i hidrantskoj mreži kako bi se zadovoljile potrebe sanitarne i hidrantske mreže;
 - ukoliko se za potrebe procesa u objektu farme tokom njenog korištenja planira koristiti voda iz sopstvenog izvorišta, potrebno je za korištenje tog izvorišta dobiti vodnu dozvolu uz prethodno provedeni postupak dodjele koncesije za korištenje istog;
 - da se fekalne vode iz sanitarnog čvora ispuštaju u višekomornu vodonepropusnu septičku jamu bez preлива, koja treba biti potrebnog kapaciteta da zadovolji potrebe objekta, a čišćenje i



pražnjenje septičke jame treba da vrši ovlašteno pravno lice koje posjeduje vodnu dozvolu za ispuštanje i tretman otpadnih voda;

- da se septička jama postavi na lokaciji na način da nema negativne uticaje na susjedne objekte;
- da se investitor obrati nadležnoj Agenciji za vodno područje rijeke Save, koja će shodno svojim nadležnostima izdati vodne akte, a ukoliko utvrdi da nije potrebno izdavanje vodnih akata, ista se treba očitovati u pisanoj formi;
- otpadne vode od pranja i održavanja objekta peradarnika se trebaju ispuštati u osočnu jamu, a odvoz otpadne vode iz osočne jame treba da vrši ovlašteno pravno lice koje posjeduje vodnu dozvolu za ispuštanje i tretman otpadnih voda;
- da se za privremeno deponovanje prostirke i đubriva planira vodonepropusna betonska laguna, gdje će se privremeno odlagati prostirka i đubrivo, sve do njihovog trajnog odlaganja na mjesta koja trebaju biti izvan vodozaštitnih zona izvorišta kao i izvan riječnih tokova;
- da se za privremeno odlaganje uginulih pilića obezbijedi poseban prostor i rashladni boksovi;
- da se investiciono-tehnička dokumentacija uskladi sa prostorno planskom i provedbenom dokumentacijom;
- da se i drugim otpadom koji nastaje u procesu rada upravlja na način da nema negativnih uticaja na okoliš tj. da se primjenjuje važeća zakonska regulativa iz oblasti zaštite okoliša;
- da se planiraju i druge mjere na zaštiti površinskih i podzemnih voda, kako izgradnja predmetnog objekta ne bi imala negativne uticaje na okoliš.

2.3. Investiciono-tehničku dokumentaciju uskladiti sa prostorno-planskom dokumentacijom uz prethodno pribavljene urbanističke, geodetske, hidrološke i druge potrebne podloge.

3. Važenje ove prethodne vodne saglasnosti prestaje ukoliko se u roku od tri godine dana, od dana izdavanja rješenja ne podnese zahtjev za izdavanje vodne saglasnosti.

4. Ova prethodna vodna saglasnost izdaje se i može se koristiti isključivo za potrebe izdavanja urbanističke saglasnosti i okolinske dozvole.

O b r a z l o ž e n j e

Investitor "ALSU" d.o.o Visoko, podnio je zahtjev za izdavanje prethodne vodne saglasnosti za snabdijevanje vodom i ispuštanje sanitarno-fekalnih voda iz gospodarskog objekta-peradarnika za uzgoj pilića, kapaciteta 40.000 pilića u jednom turnusu, koji se planira graditi u naselju Crna Rijeka, Nišići Općina Ilijaš, na zemljištu označenom kao k.č. br. broj: 705/2 K.O. Hadžići.

U provedenom postupku dostavljena je i pregledana sljedeća dokumentacija:

- Kopija katastarskog plana 1:6250;
- Prijedlog lokacije broj:05/1-23-326/16 od 28.01.2016. godine, koju je dala Služba za prostorno uređenje, stambeno-komunalne poslove Općine Ilijaš;
- ZK uloži broj: 982;
- Načelna saglasnost broj:423 od 29.04.2016. godine, koju je izdalo JKP "Vodostan" d.o.o Ilijaš;
- Ugovor o isporuci vode broj: 651/16 od 18.07.2016. godine, koju je izdalo JKP "Vodostan" d.o.o Ilijaš;
- Stručno mišljenje Zavoda za planiranje razvoja Kantona Sarajevo broj:02-23-689/1-16 od 05.04.2016. godine;
- Odgovor MZ-e Srednje broj:020349/VI/119/1/16 od 19.08.2016. godine, o priključku na vodovod Gornji Ivančići;
- Studija za izdavanje prethodne vodne saglasnosti, koju je izradila "Perspektiva-Inžinjering" d.o.o Visoko.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Izgradnja objekta vrši se na lokalitetu naselju Crna Rijeka Nišići, gdje nema mogućnosti ni tehnički ni kapacitetom za priključenje na javnu vodovodnu mrežu pa je naloženo investitoru da obezbijedi vodu izgradnjom sopstvenih rezervoara u koji će dopremati higijenski ispravnu vodu za sanitarne i protivpožarne potrebe objekta peradarnika. Vodu dopremati od ovlaštenog pravnog lica, a investitor je već zaključio ugovor o isporuci vode cisternama od JKP "Vodostan" d.o.o Ilijaš.

Sanitarne-fekalne vode se planiraju ispuštati u višekomornu vodonepropusnu septičku jamu, koja se treba redovno održavati i prazniti putem ovlaštenog pravnog lica koje posjeduje specijalizirano vozilo za tu namjenu. Položaj septičke jame na lokaciji treba da je na mjestu koje je pristupačno za prilaz specijaliziranog vozila za njeno čišćenje i pražnjenje.

Potrebno je izgraditi vodonepropusno đubrište-lagunu za privremeno odlaganje prostirke iz objekta do njegovog trajnog zbrinjavanja na lokacije koje nisu u vodozaštitnim zonama ili u blizini vodotoka.

Otpadne vode od pranja i održavanja objekta peradarnika se trebaju ispuštati u osočnu jamu, a odvoz otpadne vode iz osočne jame treba da vrši ovlašteno pravno lice koje posjeduje vodnu dozvolu za ispuštanje i tretman otpadnih voda.

Potrebno je u skladu sa propisima koji regulišu upravljanje animalnim otpadom i prema vetrinrskim uslovima definirati način privremenog odlaganja uginulih pilića i obezbijedi poseban prostor i rashladne boksove.

Namjena objekta je takva da se u prosecu rada stvara otpadna voda, pa je investitor obavezan od nadležne Agencije za vodno područje rijeke Save, pribaviti potrebne vodne akte, ukoliko nisu potrebni ista se treba očitovati u pisanoj formi. Otpadna voda prije ispuštanja u odabrani recepijent, treba zadovoljiti kriterije definirane „Uredbom o uslovima ispuštanja otpadnih voda u okoliš i sisteme javne kanalizacije“ („Sl. novine Federacije BiH“ broj: 101/15 i 1/16). Da se za privremeno odlaganje uginulih pilića obezbijedi poseban prostor i rashladni boksovi.

Tačka 1. dispozitiva temelji se na članu 107. stav 1. Zakona o vodama („Službene novine Federacije BiH“, broj: 70/06).

Tačkom 2. dispozitiva investitoru su propisani uslovi koje treba u cjelosti ispuniti u skladu sa članom 111. stav 1. Zakona o vodama („Službene novine Federacije BiH“, broj: 70/06).

Tačkom 3. dispozitiva propisan je rok važenja ove predhodne vodne saglasnosti u skladu sa članom 111. stav 3. kao i obaveza pribavljanja vodne saglasnosti u skladu sa članom 114. Zakona o vodama („Službene novine Federacije BiH“, broj: 70/06), a kojom će se utvrditi da je u svemu postupljeno prema ovom rješenju i projektnoj dokumentaciji.

Tačka 4. dispozitiva temelji se na članu 111. tačka 2. Zakona o vodama („Službene novine Federacije BiH“, broj: 70/06).

Na temelju navedenog i provedenog postupka dato je rješenje kao u dispozitivu.

Taksa iz tarifnog broja 43. tačka 4. Zakona o federalnim upravnim taksama i tarifni federalnih upravnih taksi („Službene novine Federacije BiH“, broj: 6/98, 8/00, 45/10 i 43/13) u iznosu od 80,00 KM uplaćena je kod Union banke dd Sarajevo na račun broj: 1020500000106698, vrsta prihoda 722112.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Pouka o pravnom lijeku: Protiv ovog rješenja dozvoljena je žalba Federalnom ministarstvu poljoprivrede, vodoprivrede i šumarstva u roku od 8 (osam) dana od dana prijema rješenja.

Žalba se predaje putem ovog Ministarstva i taksira se sa 15 KM federalne administrativne takse, na osnovu člana 14. tačka 1. i 2. po tarifnom broju 3. Zakona o federalnim upravnim taksama i tarifni federalnih upravnih taksi („Službene novine Federacije BiH” broj: 6/98, 8/00, 45/10 i 43/13).

MINISTAR

Dr Muharem Šabić

Dostavljeno:

- “ALSU” d.o.o Visoko,
ul. Donje Moštre bb-Visoko
- “Agencija za vodno područje rijeke Save”
Sarajevo ul. Hamdije Čemerlića br.39A,
- Vodna inspekcija Kantona Sarajevo,
- Vodna knjiga,
- a/a



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

